

欽定平定教匪紀略

欽定平定教匪紀畧卷四十

三月十九日

庚戌

兵部奏言本月初十日奉

旨著將出征官兵攜帶良民子女逆犯家屬如何分

別治罪及領兵官如何議處一併詳議具奏等因

查律載官兵擄掠人口若於已附地面擄掠者

不分首從皆斬監候本管頭目鈐束不嚴杖八

十留任其將領知情故縱者犯人同罪等語立

法甚嚴惟於凱撤之時攜帶良民子女及逆犯家屬應行治罪之處例無正條臣等酌議凡出征官兵除不遵紀律肆行擄掠良民子女者仍按律治罪外其於凱撤回營之日沿途遇有良民子女並非逃失而官兵等强行攜帶者卽與搶掠無異係官革職係兵丁革退均交刑部按律治罪領兵之失察專管官照本管頭目鈐束

不嚴杖八十公罪律議以降二級留任兼轄統
轄官降一級留任該管官知情故縱者革職交
刑部治罪兼統官降二級調用其有迷失良民
子女輒行攜帶者係官革職係兵丁責革領兵
之該管官失察者降一級留任兼統官罰俸一
年該管官知情故縱者革職兼統官均降一級
調用其攜帶人口有親屬者追出交該地方官

給還完聚無親屬者交該地方官妥爲撫卹至
將逆犯家屬私自攜帶者應加一等定擬係官
革職係兵丁革退均交刑部酌量治罪失察之
專管官降二級留任兼統官降一級留任該管
官知情故縱者革職交刑部酌量治罪兼統官
降二級調用逆犯家屬追出交刑部定擬緣坐
若跟役等有犯照兵丁一律辦理其家長係官

照專管官例議處係兵丁折鞭責領兵之專管
官仍照例議處如領兵之專管官及家長卽時
自行查出究辦者均免其失察處分至出征官
兵於經過地方私自典買人口係官降三級調
用係兵杖八十失察之專管官罰俸一年兼統
官罰俸六個月其典買人口追出入官奏入

上諭內閣曰前經降旨令兵部將官兵攜帶子女及

逆犯家屬如何治罪之處酌定條例茲據兵部援引定律分別核議具奏均著照所議行王師輯暴安良首嚴軍紀律載官兵擄掠人口若於已附地面擄掠者不分首從皆斬監候此指行師外域新附版圖者而言尙當卹其人民以示除暴施仁之意況內地編氓本吾赤子除叛逆者按法誅鋤外其被難流離男婦子女皆當亟爲撫卹若官兵逼

脅攜帶豈非自相擄掠耶所有此次攜帶幼孩各官兵均屬有干軍紀本應定擬大辟姑念伊等平日未諳法律帶兵大員亦未先申明禁令是以概從寬宥著該部將定律同此次議准各條款卽行刊刻頒發京外滿漢各營一體遵照並著於操演日期逐條宣講設遇有徵調尤當剴切曉諭俾官兵等恪遵紀律約束嚴明倘有肆意違犯則軍法

具在按律治罪不赦

三月二十日

辛亥

上諭內閣曰曹綸身爲職官甘心附從逆賊林清謀爲不軌罪大惡極實從來所未有其身已顯伏國法才可不將其逆蹟書之簡冊俾令遺臭萬年著國史館將該逆事實編列逆臣傳以爲亂臣賊子之戒

同日那彥成奏言竊照上年滑縣賊氛甫淨之
後與該縣毘連之直隸大名府屬地方有無業
土匪結隊成羣放火搶掠鄉民呼爲土襲而山
東曹州一帶亦有此種匪犯臣與山東撫臣同
興商酌拏獲此等匪犯訊明放火搶掠在三次
以上者爲首之犯卽按軍法梟首示衆爲從及
搶竊一二次爲首者概行發往新疆爲奴若僅

止隨衆偷竊並無放火情事者予以杖責前經

奏蒙

聖鑒嗣於東明長垣清豐等縣先後拏獲土獍一百九十二名照依奏定章程分別核辦內有吳大士一犯爲首糾搶至十一次之多並用火燒逼事主情節較重擬以凌遲處死在案惟查此等匪犯從重辦理係因軍務甫竣人心未定暫時

懲創起見今東明等縣一帶地方已經安靜匪徒亦知斂跡卽有搶竊之案未便仍照軍法辦理應請按照定例擬議解勘以昭限制奏入報

聞

三月二十四日_卯那彥成奏言查直隸開州東明長垣三州縣並順德府留防官兵前經酌留一千五百名分駐彈壓茲查月餘以來開州等

處實已寧靜所有搶掠糧食之土甕賊犯悉皆
斂跡留防官兵應全數撤回歸伍奏入報

聞

三月二十七日戊午那彥成奏言竊查大名協左

右及開州杜勝等營額設弁兵不敷控馭臣遵

照部咨於通省營分內通盤籌畫擬於宣化鎮

標抽撥四百名天津鎮標抽撥四百名督標抽

撥二百名分別移置大名等營庶足以壯聲勢
而重操防如蒙

俞允所有帶兵官員卽於各標均勻移撥無庸增添
奏入

上諭內閣曰那彥成奏請於大名一帶移置弁兵一
摺大名接壤豫東上年軍務甫竣該督奏請增兵
鎮撫亦屬因地制宜且均於本省抽撥並未加添

兵額著照所請准其於宣化鎮標撥兵四百名天津鎮標撥兵四百名督標撥兵二百名分別移置大名等營以資控制其帶兵員弁卽於各標均勻移撥以符定額

三月二十八日紀同興奏言查曹州府屬之曹縣定陶等十一州縣並濟寧州屬之金鄉縣均係頻年積歉之區又值賊匪滋擾麥田冬未遍

種此時雖間有春收而民力未紓新賦實難依
期催納所有曹州府屬之曹縣定陶荷澤鉅野
城武鄆城單縣濮州范縣觀城朝城及濟寧州
屬之金鄉縣共十二州縣並坐落該州縣境內
之衛所屯莊應完十九年地丁等款各項銀兩
仰懇

聖恩展緩至二十年麥後徵收俾小民獲資餬口感

戴

皇仁益無旣極奏入

上諭內閣曰同興奏懇展緩曹濟二屬十九年新賦
一摺東省曹州濟寧前被賊匪滋擾各屬貧民甫
經復業本年新賦雖緩至麥後啟徵尙恐生計維
艱著加恩將曹州府屬之曹縣定陶菏泽鉅野城
武鄆城單縣濮州范縣觀城朝城及濟寧州屬之

金鄉縣共十二州縣並坐落該州縣境內之衛所
屯莊十九年地丁等款各項銀兩再行展期俱緩
至二十年麥後徵收

上命軍機大臣傳諭同興曰山東曹定等處上年因
教匪滋事居民咸被兵火朕憫念窮黎失所疊次
施恩有加無已但此次該省滋事賊匪並非外寇
卽係本地莠民自爲蹂躪鄉里受其荼毒室家蕩

然伊等亦無可怨尤今朕保赤深恩爲之給其口
食謀其生計伊等天良具在寧不知中誠感激該
撫當廣出示諭以爾等幸於兵燹之後重樂昇平
今後惟當勉爲善良勿辜朝廷恩意卽如滑縣一
經賊匪屯聚大兵所至玉石俱焚地方良民被難
者亦不可數紀此後爾耆老百姓及紳士人等均
不可不互相勸戒稽查勿爲邪說所愚勿爲奸徒

所屬各安耕鑿保守室家庶風俗淳良永享太平之福如此剴切曉諭亦化民齊俗之一助也

四月初二日旺托津等奏言查逆匪林清自嘉

慶十一年間立教傳徒至十六年五月起意謀

逆所有失察歷任各員弁應分別在任年月議

處查專汛把總趙天義代理把總事楊國興盧

士俊鄭永昌邢懋倫等在任年月日期俱在林

清起意謀逆之後均應照例革職兼轄署都司
李士剛降二級調用劉肇元拏獲夥犯多名照
例減爲降二級留任總兵慶長祥啟提督馬瑜
署提督毓秀福長安各降二級留任其到任日
期在林清立教傳徒之後未經起意謀逆以前
之署把總事安柱廷照例降二級留任兼轄都
司張維華署都司程永泰各罰俸一年總兵多

隆武本智圖興阿提督色克通阿薛大烈各罰俸六個月奏入得

旨此案把總趙天義等係傳汛之員於林清謀逆重情毫無查察非等常疎懈可比趙天義楊國興盧士俊鄭永昌邢懋倫俱著斥革發往伊犁餘依議

四月初三日

甲子

百齡奏言徐州沛豐蕭碭各縣

境內曾暫留防兵一千二百名現在江境寧謐

謹遵照原

奏於閏二月內分別撤令歸伍奏入報

聞

四月初九日

庚午

高杞奏言查前此陝西南山賊

匪因官兵追剿闖入甘境南路之秦州三岔兩

當徽縣及階州之成縣等處間有焚燬房屋傷

及居民之事當經委員查明撫卹給予口食並

修屋等銀實共需銀二千八十餘兩應請照例支銷至本省官兵派赴河南陝西二省剿捕賊匪除征防弁兵鹽菜口糧等項已經

奏准作正開銷同例應造銷各款現在分別查辦外請將添設腰站夫馬供支中途調回馬匹及防城守卡民夫口食解運軍火糧餉委員盤費並報銷書識紙張飯食等項共需銀二萬七千

四百餘兩臣與藩司何銑臬司德克精阿公同
捐廉歸款奏入

上諭內閣曰據高杞奏查明南路撫卹及軍需銀兩
照例報銷將其餘各款請捐廉歸補一摺甘肅秦
階等州縣間有陝省被剿賊匪闖入境內所有撫
卹銀二千八十餘兩自應照例題銷至該省官兵
派赴河南陝西剿捕賊匪除鹽菜口糧等項作正

開銷外此外添設腰站夫馬供支中途調回馬匹
及防城守卡民夫口食解運軍火糧餉委員盤費
並報銷書識紙張飯食等項共用銀二萬七千四
百餘兩著高杞督率藩司核實確查造冊報部毋
許絲毫冒濫應准應駁部中按例核銷毋庸令該
督與藩臬兩司捐廉歸款

四月二十日辛巳那彥成奏言竊臣前因大名協

左右及開州杜勝等營額設弁兵不敷控馭奏
請於保定督標抽撥四百名宣化鎮標抽撥四
百名天津鎮標抽撥四百名移置大名等營以
資控制業蒙

聖恩俞允臣復察訪情形此時大名府屬留防兵丁
業俱撤歸原伍該處係甫經平定之區不可不
亟爲籌辦查省城及宣化天津等處距大名地

方遠至千餘里近亦數百里該兵丁各有父母
室家之戀未免安土重遷一旦移置遠處恐未
能專意操防若驟然裁去又慮該兵等猝難謀
生臣擬就督標並宣化天津二鎮各營兵內擇
其老弱及技藝未嫻者先行裁汰其餘俟陸續
出有告退斥革事故之缺卽抵爲應裁之數毋
庸募補統於奉文之日起限八個月內裁齊一

面飭令大名協左右及開州杜勝等營就近召募兵丁一千名分撥充伍至督標並宣化天津二鎮應裁兵丁其未經裁除之先應食糧餉在於直隸通省各營扣存空曠銀內如數動支給領奏入

上命軍機大臣傳諭那彥成曰前據該督奏請將督標及宣化天津鎮標兵抽撥一千名移置大名等

營特降諭旨允行茲該督以該兵丁等各有父母
室家遠道遷移於操防未能得力請於督標並宣
化天津二鎮標各營兵內照抽撥之數陸續裁汰
飭令大名等營就近招募所奏係屬實在情形自
應如此辦理惟是宣化天津二鎮均係要地驟各
裁去兵四百名亦未免過多著該督再於通省營
伍內酌量均勻裁汰以符一千名之數其大名各

營卽按新增兵額招募充伍至新募之兵該處甫
經綏靖上年賊黨中實難保無漏網匪徒若朦混
應募入伍所關匪細該府附近地方上年守城禦
賊曾充鄉勇民人甚多伊等素與賊爲敵又曾練
習技藝應先儘募令入伍旣易於辨識兼可訓練
得力

四月二十一日壬午常明奏言查上年陝境匪徒

滋事與川省東北邊界在在昆連當派撥官兵
在沿邊一帶巡防各起官兵自離營之日起途
中行走以及抵邊巡防之日給過人夫口食柴
薪銀兩復經札飭各州縣團練義勇均經酌給
口糧統計用過銀七萬九千餘兩爲數無多請
由本省捐還歸款奏入報

問

四月二十六日訂那彥成奏言查大名一帶應
添兵丁欽奉

諭旨令於通省各營內再行籌撥臣就直隸各屬營
制察核情形均未便輕議裁減擬在於提標各
路內均勻裁減二百名其餘八百名在於督標
裁減二百名宣化天津二鎮各裁減三百名仍
符一千名之數卽飭令大名協左右及杜勝等

營按照新增兵數在於附近地方招募居住妥
實曾充義勇民人令其入伍如有不足另行招
募足額務令地方官確查取保方准認充奏入

報

聞

同日朱勲奏言

臣遵

旨查明滑縣知縣強克捷有子二人長逢泰次望泰

嘉慶十八年八月間強克捷遣長子逢泰伴送
次子望泰回籍完婚九月間逆匪滋事逢泰等
聞信馳往知伊父母妻子並隨任親友家丁共
三十六人同時被賊戕害迨大兵克復滑城後
始知伊父母屍骸先經紳士丁役棺殮尙存惟
逢泰之妻徐氏因被逼辱不從挺身罵賊被賊
匪活釘柱上斲割斃命骸骨拋棄無存謹將強

克捷家從難諸人姓氏繕具清單恭呈

御覽奏入

上諭內閣曰朱勲奏查明强克捷二子先經回籍並
隨任被戕親屬一摺上年逆首林清勾結河南賊
目李文成等約期九月十五日進京滋事經滑縣
知縣强克捷先期訪問拏獲李文成牛亮臣等犯
嚴刑拷訊賊黨馮克善等因逆謀已洩糾衆劫獄

不克分派進京逆首林清不知音耗就近分遣逆黨入城而外援斷絕立就誅夷該首逆猶懷疑株待旋就捕誅李文成雖一時免脫緣刑傷過重不能遠逸經官兵進剿戮於司寨強克捷職膺民社能周知一縣之事首先訪獲逆黨俾林清李文成等失約敗謀後先授首實屬傑出良臣功在社稷且以身殉難閭署被害者至三十餘人深堪嘉憫

覽奏揮淚不止前經降旨照知府例賜卹入祀京
城昭忠祠尙不足以酬忠盡強克捷著加恩賜諡
忠烈賞給騎都尉世襲罔替伊長子強逢泰卽承
襲騎都尉服闋後送部引見次子強望泰著賞給
舉人文武聽其自便准其一體會試強克捷長媳
徐氏抗節不辱挺身罵賊致被活釘轡割拋棄遺
骸尤爲可慘著賜諡節烈誥贈恭人照例建坊旌

表並著朱勲遵照前旨在韓城縣爲強克捷建立
專祠前層設強克捷牌位後層設節烈恭人牌位
其從難之三十五人俱分次設牌從祀地方官春
秋致祭以慰忠貞初次致祭著巡撫朱勲親詣拈
香至韓城縣地方登仕籍者有強克捷之忠良前
大學士王杰正色立朝亦籍隸該縣士風醇茂宜
示優旌著加恩賜祭一壇仍將韓城縣文武學額

各增五名永著爲例用示朕獎忠勵俗之至意

五月初六日賴胡克家奏言查安徽省上年派調官兵防守潁亳宿州一帶邊界因兵力不敷復僱募鄉勇分布要隘種種需用孔殷計自軍興之日起截至撤防之日止共用銀一十一萬一千七百五十九兩零內有各官兵借支廉俸行裝等銀一萬九百二十五兩零又例扣馬乾

金匱要略卷四十一
銀一千二百八十八兩均應如數扣歸庫款計
實用銀九萬九千五百四十六兩零除臣與藩
臬兩司奏准捐廉銀一萬九千兩抵補外尙不
敷銀八萬五百四十餘兩爲數無多請無需開

銷

帑項在臣與司道知府各官養廉內攤捐分限五
年歸款奏入

上諭內閣曰胡克家奏核明軍需動支實數攤廉歸
款一摺此次豫東匪徒滋事安省祇係調撥兵丁
在本省邊界協防摺內稱自軍興之日起等語張
大其詞殊屬不合所有該省動支各款著查明軍
需則例鄰省用兵撥兵在本省協防動支款項應
否准銷如例應報銷者仍著核實造冊報部其例
不准銷者本應由該省分賠無庸奏請攤捐至報

部冊內有與例不符經部指駁者仍著該省賠繳
以清帑項

同日長齡朱勳奏言竊臣等前因棧西老林查
有鐵廠數處奏請官爲經理仰蒙

恩准令將開廠章程議奏茲查寧陝廳及畧陽鳳縣
盩厔安康鎮安等縣皆有外來客民攜帶工本
僱募匠役在山設廠開採臣等謹酌擬章程恭

候

聖裁一發給開廠商民執照查南山鐵廠資本無多
不須官爲發給資本應仍令該商民自行募工
開挖由地方官查明該商人姓名籍貫取結詳
明藩司給以執照准其開採如另有私挖查出
封禁照例治罪一稽查在廠匠役查各處鐵廠
自二三十人至七八十人不等最易藏奸應責

成開廠商人將各廠匠役按名造具循環簿二本註明年歲籍貫送縣備查按季更換如有辭工另募隨時添註各該管廳縣不拘時日親赴廠所點查一嚴查違禁製造查南山鐵廠只能鑄造鐵鍋鐵盆餘皆鑄成鐵條鐵錠販給各處製造農具但恐匪徒偷買私製違禁軍器應令地方官申明定例出示查禁一領照商人酌令

納課查各省鐵課數目不同陝省鐵廠開採礦
砂爲數無多茲酌擬發給執照一張每年納課
銀十兩該商人旣納官課可免兵役土棍訛索
滋事一發商執照定限彙咨查鐵廠課銀應於
每年冬季催取解司報部撥用其領照繳照等
事仍由地方官隨時詳辦於次年奏銷時由藩
司彙冊咨部以上五條臣等公同酌商意見相

同謹臚列奏

聞伏候

訓示奏入得

旨該部議奏旋經戶部照所擬條欵議覆

上從之

五月初七日訂同興奏言查曹州各屬兩次加

賑窮黎普沾

恩澤無不感戴

皇仁歡聲載道現在二麥有收地方安堵所有前設

防兵謹遵

旨撤令歸伍臣已知會兗州鎮臣劉榮慶轉飭留防

各將弁帶領兵丁各歸本營奏入報

聞

是日

上諭內閣曰強克捷前在滑縣知縣任內首破逆謀
功在社稷忠烈可嘉節經渥沛恩施並降旨令朱
勲於陝西本籍爲伊建立專祠其從難之三十五
人俱設牌從祀惟強克捷以守土之官身殉寇難
滑縣地方亦應爲伊建祠列祀昭示來茲著方受
疇於滑縣城內爲強克捷酌建專祠令地方官春
秋致祭其從難諸人一併從祀以勵忠貞

上又諭內閣曰御史歐陽厚均奏請飭查上年被賊
地方殉難紳民婦女一摺上年直隸河南山東三
省毘連各州縣猝遭匪徒滋事紳民士女不乏捐
軀殉節之人可見忠義之性本乎人心著各該督
撫學政飭屬查明取具確實甘結照例題請旌表
以示朕褒節維風之意

五月初十日

庚子

長齡高杞朱勲奏言前經甘省

拏獲匪僧吉仰花供出劉添貴糾夥謀逆各情
當委員赴五郎廳境內查訪並無苟家山名目
嗣訪有北關開店之四川萬縣人劉添貴於去
年十二月已回原籍當卽差人前往川省將劉
添貴拘獲到案嚴加鞫訊據供十八年十二月
間因欠賬無償回四川原籍變產圖償平日實
無交結匪人及謀逆情事臣等查劉添貴回籍

之時正值三才峽匪徒滋事之際該犯果有謀
逆情事何難入夥滋擾但姓名年貌究與吉仰
花所供相仿現仍嚴行管押委員查拏吉仰花
所供之焦進賢左奉先等犯務獲質訊奏入報

聞

同日長齡朱勳又奏言查候補未入流伍才華
前經派赴蓋屋厚畛子一帶運供兵糧分貯寨

硃並鼓勵寨勇搜獲零匪譚貴等六名實爲出

力經臣等奏奉

諭旨儘先補用茲接整屋縣稟報該員於本月初間
患病仍力疾查辦保甲十二日行至整屋途次
身故合無仰懇

聖恩俯准將該故員伍才華照軍營病故人員之例
賞給議卹再發配鳳縣軍犯查新前因賊匪竄

欽定平定教匪紀畧卷四十一

五月十一日^丑董誥等奏請將聽從助逆情罪
尤重之劉三卽劉泳幅照律凌遲處死梟首示
衆情罪次重之李二卽李遂先王以科卽王興
維擬斬立決情罪又次重之王大名卽王老明
擬斬監候應行緣坐之劉呈亮屈盧氏等七名
口分別發遣爲奴得

旨劉三卽劉泳幅著卽凌遲處死梟示李二卽李遂
先主以科卽王興維俱著卽處斬王大名卽王老
明依擬應斬著監候秋後處決餘依議

玉月二十二日

壬子

方受疇奏言據內黃縣知縣

廖連孥獲滑縣逆犯王仲一名

臣

親提研鞫緣

王仲卽王二混子曾拜李景堂爲師入離卦教

十八年九月初六日教匪滋事僞封王仲爲先

行官與李景堂至滑縣城內城隍廟潛匿是夜
隨衆殺入縣署旋隨僞封離宮伯袁德建等至
道口扎營拒敵官兵道口攻破後袁德建李景
堂俱各殲斃王仲逸出四處逃避經內黃縣知
縣廖連掣獲臣於審明後卽恭請
王命將該犯凌遲處死示衆奏入報

聞

金史卷一百一十五 刑法一
二
六月初六日丑董誥等奏請將審明聽從助逆
情罪次重之李玉麟卽李七柴子並李玉奉二
犯擬斬立決應行緣坐之王世起王賀氏等三
名口分別發遣爲奴監禁在監病故罪應斬決
之逆犯李玉隴仍戮屍得

旨李玉麟卽李七柴子李玉奉俱著卽處斬李玉隴
仍著戮屍餘依議

七月初六日甲午方受囑奏言現因滑縣清查逆

產訪獲教匪趙秉讓據供牛亮臣手下大頭目

黃泮公現住黃岡地方隨委員拏獲臣親提研

鞫緣趙秉讓曾拜巽卦教匪程金柱爲師并經

牛亮臣糾約謀逆嘉慶十八年九月初七日聽

聞賊衆滋事趙秉讓卽隨同程金柱入城在僞

封巽宮伯崔得手下聽用管帶夥賊百餘人赴

道口運糧並與官兵打仗一次滑城破後逃出
在各處躲避現聞事定潛回被獲黃泮公卽黃
二湯水係滑縣皂役曾拜艮卦教匪馮文元爲
師經牛亮臣等約會謀逆九月初七日聽聞賊
衆滋事黃泮公卽隨同馮文元入城有僞元帥
宋元成派令經管所搶當鋪嗣牛亮臣赴當查
點見黃泮公管理妥協卽封黃泮公爲大頭目

帶領二百餘人搜街搶掠旋至張九德家被張
九德之妻魏氏喊罵黃泮公令賊衆將張魏氏
并其家男婦一十二名口全行殺害城破後逃
往各處避匿近日潛回被獲臣審明後卽恭請
王命將該二犯凌遲處死訖張魏氏罵賊全家被害
並令查明彙請

旌表奏入報

聞

七月十一日 己亥

上諭內閣曰上年逆匪潛入禁城滋事一案首逆林清及助惡逆黨二百餘人均經陸續殲捕伏法惟尙有未獲最要者六犯此內祝現劉呈祥劉第五董伯旺支進才五犯係與林清首先造謀糾黨之人其劉成章一犯係李文成義子皆稔惡巨憚此

外次要者五十九犯除李玉麟李玉奉二犯就獲
外計未獲者尙有五十七犯亦皆係助惡兇渠此
等未淨之孽若任其偷息延喘其怙惡之心必不
肯悛一俟查緝稍懈又復潛相勾結設小有煽動
不但良善橫遭荼毒而派兵剿洗其附和脅從同
被誅夷者又不知凡幾赤子無故相率淪亡朕實
不忍是以節次嚴降諭旨諄飭步軍統領順天府

五城各衙門直隸河南山東山西以及附近各省
督撫將軍都統提鎮等上緊設法查拏無俾漏網
實朕保衛民生之苦衷乃數月以來正犯迄無一
獲而各處派出緝捕之人意存邀功冒賞偶遇名
姓相同蹤跡疑似者卽行妄拏呈報該衙門亦卽
據以入奏以圖暫時塞責迨到案研鞠多由刑逼
教供於本案毫無影響雖亟予昭雪而牽連波累

業已身家蕩然此外藉端訛索得贓釋放未經報
出者恐仍不少是巨惡未除而良民已先受其害
不可不明白申諭內外承緝逆犯各衙門務各嚴
飭所派員役此時訪拏逆犯當先密購眼線查明
蹤跡確係正身迅速掩捕如捕獲正犯一經審實
則超陞重賞朕必立沛恩施若捕風捉影無除惡
之實心存冒功之鄙念徒然騷擾鄉曲虐害善良

金匱要略卷四十一
到案後審出虛誣必將妄拏無辜之人照例治罪
不稍寬貸將此通諭知之

七月十二日

庚子

那彥成奏言據東明縣知縣淡

廷棻拏獲逆匪劉三卽劉三剛一案臣親提研

鞫緣劉三本名劉添柱籍隸河南滑縣嘉慶十

八年五月間經劉珍領至滑縣史家寨拜從徐

治惻爲師留住在彼不放回家教首係滑縣北

湖村人魏得中九月內魏得中徐治幘聚衆謀
逆在潘章村豎立大白旗上寫震宮王魏得中
字樣劉畛逼令劉三與賊衆餵養牲口徐治幘
卽令改名劉三剛十月內官兵攻打潘章村見
賊衆被官兵殺敗卽乘間逃出各處求乞度日
嗣被拏獲應請擬斬立決經刑部照擬議覆得
旨劉三卽劉三剛著卽處斬

七月十四日

壬寅

上諭內閣曰上年窮凶極惡逆匪林清滋事之後節次搜捕首從各犯俱已明正典刑惟祝現等六名其五人係林清濟惡渠魁劉成章係李文成義子屢次往來林清家同謀倡逆均係最要之犯不可一日稽誅此外尚有次要五十七犯亦皆日久未獲此等梟獍之徒必當迅就捕誅俾輦轂之下一

無遺孽以安民生而彰國憲屢經降旨嚴飭并明
示賞罰使承緝者知所勸懲乃近日察看各處緝
捕情形內而步軍統領衙門順天府五城外而各
該督撫等往往飭派員役越境訪拏而於本管境
內轉多疎懈其意以爲在鄰境獲犯其功甚優於
本境以冀仰邀厚賞又以見其於境外且遠出偵
緝則境內之嚴密可知以圖暫時免過不知舍近

圖遠或索諸千里之外轉失諸耳目之前無怪乎
緝捕之人紛紛四出日久而迄無一效也自今日
降旨以後內外承緝各衙門凡先經派出越境訪
拏逆犯之委員差役等俱著撤回各在該管境內
按里按戶嚴密訪查果能燭照數計洞察無遺此
數十逆犯但仍偷息人間其將安匿乎至有託詞
謂所轄之區地廣戶稠所屬員役有限不能徧及

者伊等方且舍其田而芸人之田若將派出之人
撤回令其專查境內不猶愈於務農而荒耶除各
省接壤州縣犬牙交錯界在一二百里以內者承
緝之人不得互相推諉仍准其出境緝拏外其餘
俱各專責成統率之員嚴督分轄之吏分轄之吏
嚴責切近之司人人盡力期於本管之內深信不
疑則遺孽盡除可計日而待也將此通諭知之

七月十五日朕同興奏言據曹州營叅將馬建

紀拏獲逃匪李第四一犯臣親提嚴鞫緣李第

四卽李懷明籍隸曹縣嘉慶十八年九月間該

縣教匪滋事李第四有表兄劉全智帶領匪徒

三十餘人前赴李第四家嚇逼入教李第四畏

懼應允卽隨同劫掠附近村莊至十三日劉全

智等帶領多人與官兵拒敵李第四乘間潛逃

嗣被拏獲應請擬斬立決經刑部照擬議覆得
旨李第四著卽處斬

七月二十四日

壬子

方受疇奏言據祥符縣知縣

王祁拏獲逆匪李第四一名

臣

親提嚴審緣李

第四卽李興邦住居滑縣曾拜牛亮臣爲師入

坎卦教經牛亮臣商允謀逆九月初七日賊衆

戕官後牛亮臣將妻子送至李第四家寄住旋

復搬回城內李第四亦卽入城幫同抵禦官兵
克復滑城後李第四逃往各處避匿近始潛回
被獲查緝拏要犯單內次要逆犯李第四係曹
定賊目今訊係滑縣人與原單互異應否解交
刑部審辦或在豫省正法之處仰祈

訓示奏入得

旨李第四卽李興邦係聽從牛亮臣助逆之犯著卽

於該省正法

八月初五日 癸亥

上頒示

硃筆諭旨曰去歲之變實內外臣工因循疲玩所釀成者也而因循疲玩之臣工皆予所用是在予知人不明之咎也迴思此變情狀險惡之至我君臣無才無德竟能於三月之中安內平外弭兵息民

豈人力哉

天也

上天垂佑保護我國家如此之深厚尙不竭盡心力捕
餘賊而淨根株正人心以彰國法又形疲玩漸涉
因循是予之咎重總不能感化諸臣啟孽振贖焉
能肅清餘孽乎夫不知感

天之佑承君之訓視同陌路縱賊貽憂試觀史冊爲何

如人予雖極力保全了此一生將來蓋棺論定未必能逃後世公論也予深恐辜負

天澤又留遺患不覺言之過激所謂誨爾諄諄聽我藐藐願內外諸臣翻然改悟竭力振作克去已私揚名樹績予有厚望焉

八月初六日

甲子

吏部尚書章煦刑部侍郎那彥

寶奏言竊

臣

等欽奉

諭旨密查同興保舉文武員弁有無冒濫不公當卽
調取案據逐一查核其有冊報可據者尙非虛
冒惟查有勞績相等而棄取不同者卽如總辦
山東糧餉事務文孚移交保舉文職單內總理
局務五員保舉四員又保舉四門巡查官七員
只保州同郭萬清一員餘皆未保又保舉聽候
差遣官十一員只保縣丞高廷樞孫廷未入流

沈思恩三員餘皆未保其各處保舉文職冊檔
或棄或取大率類此又查青州協領哈哈岱冊
開保舉武職單內佐領蘇琿殺賊六名擒賊一
名奏

賞藍翎而佐領成順殺賊七名擒賊三名驍騎校阿
納布殺賊九名擒賊三名轉未保奏其各處保
舉武職冊檔或棄或取亦大率類此並有投効

從九品黃炳奏准留東補用並無捐職執照又
知縣胡朝倫等同與原奏保舉出力現在查無
稟據冊檔種種草率以致人言籍籍議論不公
實由於此臣等謹將原卷內勞績相同而棄取
互異及查有稟據者摘叙清單恭呈

御覽乞

飭下軍機大臣傳詢同與令將因何事同保異各情

節一一登覆伏候

膚裁再_臣等到省後訪聞膠州協副將寧德經同興
帶往軍營充當翼長多致物議查同興發交該
副將鈐印功過冊簿登載寥寥潦草塞責_臣等
札詢該副將據稱簿內所載祇係弁兵微勞小
過其打仗出力官弁係隨時冊報並不登記等
語_臣等查向來翼長總理軍營事務凡有出力

人員悉由翼長登記核辦功過簿內豈有僅記
微勞小過而於保舉人員轉不詳載之理且查
該副將所稱隨時冊報將弁等打仗勞績亦多
遺漏致有金玉魁赴京控告寧德沒伊勞績之
案其辦事不公已可概見若不量加懲儆未愜
衆心應請

旨將膠州協副將寧德拔去花翎仍交部議處奏入

上命軍機大臣傳諭吏部尙書署山東巡撫章煦曰
朕前諭令章煦等密查同興在軍營保舉各員弁
有無冒濫不公之處原恐有聽情受賄等弊卽當
治伊之罪此時若據所開已未保舉名單將同興
傳至軍機處詢問伊不過飾言恐人數太多難以
入奏或托言一時查訪未確記憶不真安能得其
實據治以重罪仍著章煦將同興所保各員向東

省官吏密查如有受賄情弊卽據實叅奏至副將
寧德辦事不公已明降諭旨將寧德拔去花翎交
部議處該副將旣經同興派充翼長總理營務軍
營所保將弁皆由伊登記冊報更難保無聽受賄
賂之事著再行確查嚴叅毋稍徇縱其投効從九
品黃炳並無捐職執照何以率請留東補用並著
查明叅奏至單內所開已保未保文職各員此時

斷不能一一查詢得實均著毋庸置議其武職內如殺賊九名擒賊三名之阿納佈殺賊七名擒賊三名之成順著章煦再詢訪衆論如勞績屬實爲同興所屈抑該署撫卽據實續行保奏照佐領蘇琿請賞藍翎之例懇恩獎勵以昭公允

上諭內閣曰章煦等奏膠州協副將寧德前在軍營充當翼長登記功過簿及冊報將弁等打仗勞績

草率遺漏辦事不公請加懲儆等語寧德著拔去
花翎先行交部議處

八月十四日壬申董誥等奏請將在監病故罪應

凌遲之逆犯許向榮戮屍梟示聽從助逆情罪

又次重之李添受李添相梁莊兒三犯擬斬監

候秋後處決知情不首又經習教之李文元應

行緣坐之劉李氏分別發遣爲奴得

旨許向榮著戮屍梟示李添受李添相梁莊兒俱依擬應斬著監候秋後處決餘依議

同日方受囑奏言

臣

前訪獲逆犯劉成章之妹

劉春女究出劉成章之妻崔氏現在南陽鎮遊

擊陳天壽署內當卽拏解來省

臣

親提研鞠據

供滑城滋事後伊夫劉成章向稱西山一帶有

高志林是同教相好欲糾令入夥卽於九月十

五日起程前往去後並未轉回現實不知去向
又有道口等處居住之程化廷李化林吳大嘴
三犯亦係匪黨等語臣查李化林吳大嘴二犯
已在滑濟二縣殲斃惟將程化廷一犯拏獲俟
提解到省再行嚴鞠並派員馳往輝縣西山一
帶將高志林查拏至劉崔氏劉春女均應一併
監禁以便隨時究訊奏入報

聞

九月初一日

戊子

上頒示

殊筆除莠安良詔曰良莠不去嘉禾不生邪說不淨
良民不安此一定之理也承平日久游惰者多乃
有奸人邪言蠱惑能使善良變爲凶暴干名犯義
迷而不悟直至俯首就戮之時嬉笑自若尙云轉

生貴官哀我蒸民何罪而遇此等狗彘不如之徒
爲所引誘昏沈至於此極去秋及冬大加懲創十
去八九矣尙有祝現等六逆及次重五十七犯累
月經年終未就獲督催嚴飭幾於腕脫唇焦漫不
經心相率因循疲玩大吏不肯實心屬員貪功妄
報或教供或刑逼苟圖目前塞責無誠心無實政
何日能淨根株前已養癰貽患今又經賊埋憂試

問何心必欲再亂在生前爲大清國無用之臣僚
身後尙貽惡名於百世甘心庸庸碌碌實不可解
矣總宜密訪習教之家再尋伏藏之穴一二勇士
必能束縛何用多兵轉令免脫國家酬勲之典立
施閭里勾結之患永絕此時正法者不過數十名
他日保全者不下數十萬孰輕孰重其慎思之直
省臣工各抒忠藎爲國除憂爲家造福爲萬民之

保障垂萬代之忠貞朕宵旰以俟忍不動心乎勉
與否任諸臣耳甲戌季秋月朔御書手詔通諭中
外毋忽朕意

九月初七日

甲午

方受疇奏言查已革遊擊陳天

壽將逆犯劉成章之妻崔氏隱匿在署一案經

臣 叅奏將陳天壽革職嚴審緣嘉慶十八年八

月間劉成章曾到首逆林清家內回去卽將家

口搬進滑城九月初旬賊匪滋事是月十五日
劉成章卽行他往其家口仍住城內迨官兵克
復滑縣劉崔氏混入被難婦女內奔走出城適
遇荆關協兵丁曹培祥將該氏領回帳房帶兵
都司陳天壽看見遣其子陳耀德等將劉崔氏
喚去送至武生申標家內暫住劉崔氏素性刁
狡恐將伊夫姓名說出有干坐罪始終隱匿不

吐適民人劉玉春携家避賊有女劉文女走失
探聞申標家內有營官寄存婦女前往識認並
非文女其時申標外出劉崔氏希冀脫身遂私
懇劉玉春冒認爲女劉玉春應允往向陳天壽
懇求給領陳天壽不允及凱撤後陳天壽陞任
南陽鎮遊擊囑令申標將崔氏送至南陽並將
劉玉春之父劉文進喚到寫立賣契希圖掩飾

私將婦女之咎遂將劉崔氏收留作妾實不知
係逆犯家屬該革員之子陳耀德跟隨出師亦
將劉成章堂妹幼女劉春女帶回劉春女在營
時聞知伊嫂劉崔氏被荆關協兵丁曹姓帶去
旋因查繳幼孩陳耀德將劉春女交出臣提省
查訊供出劉崔氏跟究獲案應請將該革員陳
天壽發往伊犁充當苦差兵丁曹培祥等分別

擬徒杖責完結奏入

上諭內閣曰已革遊擊陳天壽收留劉崔氏作妾雖
訊明不知係逆犯劉成章之妻伊係都司帶兵之
員膽敢在軍營掠佔婦女實屬卑鄙無恥陳天壽
著重責四十板枷號三個月再行發往伊犁充當
苦差餘著照所擬辦理

九月十七日臣章煦奏言竊臣前次會同那彥

竇查明同興在軍營保舉各員未盡允協奏奉

諭旨令臣覆加詳核臣卽欽遵檄查並核對案據所

有青州滿營驍騎校阿納佈打仗十九次殺賊

十五名擒賊七名佐領成順打仗十九次殺賊

十一名擒賊五名均曾經托津保奏阿納佈

賞戴藍翎成順以應陞之缺陞用該二員已蒙

恩獎是以同興未經列入保舉毋庸再請

加恩至前次同興未保之于總馬承舉經制外委王
義如黃大文投効已革外委金玉魁該四員歷
經打仗殺賊十餘名及四十餘名不等詢問劉
清馬建紀等據稟實俱奮勇出力所有干總馬
承舉外委王義如黃大文可否仰懇

賞戴藍翎投効已革外委金玉魁遇有額外外委缺
出卽行補用以示獎勵之處出自

天恩其同與原保

賞戴藍翎之曹州營把總霍學功殺賊僅止六名勞

績最次武舉仙魁打仗緝捕查無稟據均未便

濫邀

恩賞應請

旨拔去藍翎又

賞給武舉之德州滿營領催會林查止殺賊三名應

請註銷武舉仍給還領催其投効從九品黃炳
前因查無捐照咨部茲准部覆以黃炳將黃烜
之名影射換照冀圖假冒邀功應請將黃炳原
保以從九品留東補用之處先行註銷查提審
訊治以應得之罪奏入

上諭內閣曰章煦奏查明上年曹州軍營實在出力
未保武弁續行保奏一摺萊州行營千總馬承舉

充州中營經制外委王義如黃大文投効已革外
委金玉魁四員歷經打仗殺賊十餘名至四十餘
名不等實屬奮勇出力自應加以鼓勵馬承舉王
義如黃大文俱著加恩賞戴藍翎金玉魁遇有額
外外委缺出卽行補用其同典原保賞戴藍翎之
曹州營把總霍學功殺賊無多勞績最次武舉仙
魁打仗緝捕查無稟據未便濫膺恩賞俱著拔去

藍翎又原賞武舉之德州滿營領催會林亦查明
殺賊不多著註銷武舉仍給還領催其投効從九
品黃炳冒名邀功原保留東補用之處著先行註
銷仍查提審訊治以應得之罪

九月二十三日

庚戌董誥等奏言前據直隸總督

審奏汪英傑葛錫華等聽從入教預知逆期將

汪英傑葛錫華擬遣一案奉

旨此案汪英傑葛錫華聽從入教預知逆期原擬罪
名尙輕著交刑部核擬具奏

臣

等查汪英傑葛

錫華均拜已經病故之李會一爲師聽從入教

嗣因李會一向稱李盛德告知九月十五日白

蓮教鬧事該犯等畏懼李會一密言李盛德給

有奉天開道白布小旗插立門首可免殺害汪

英傑葛錫華均經收受布旗預知逆期卽屬逆

黨應將該二犯改擬斬監候秋後處決毋庸繕
進黃冊請

旨卽行處斬奏入得

旨汪英傑葛錫華著卽處斬

十月初八日丑

上諭內閣曰朕本日恭閱

皇考高宗純皇帝實錄內載乾隆五十六年秦承恩奏

陝西渭南縣地方拘拏劉照魁一犯訊係八卦教
會至喀什噶爾代震卦掌教王子重傳送家信得
受封號並代王子重口許同教發遣之屈進河等
六犯封號等語欽奉

諭旨以王子重復敢潛通信息興復原教罪大惡極而
屈進河等仍向王子重討求封號啓不畏死竟與叛
逆無異著將王子重解京盡法處治其屈進河等六

犯卽在該處正法等因仰見我

皇考高宗純皇帝懲遏邪慝綏靖邊陲至意上年逆案

內發往新疆各犯朕因人數衆多不忍駢誅是以

法外施仁貸其一死此等遣犯較諸盜犯情有可

原免死減等者情罪尤重該犯等到配後必應嚴

加管束不得任其私相往來又滋煽惑新疆地方

緊要著松筠恩長通傳南北兩路辦事大臣俱各

查照乾隆年間成案隨時懲辦如逆案內各遣犯
一有過犯立即正法倘再有傳教等情卽照大逆
辦理毋稍姑息以儆奸慝而靖邊圉

十月十六日

癸酉

董誥等奏請將審明聽從助逆

情罪次重人犯張三卽張大嘴擬斬立決俟本
月二十日後再行正法情罪又次重人犯鍾有
義擬斬監候暫行監禁待質應行緣坐之王存

富栗張氏等九名口分別發遣爲奴監禁趙四
一犯藏匿逆犯田起祿之姪田常有兒獲案後
復認爲已子請擬杖徒得

旨趙四一犯明知田常有兒係逆犯田起祿之姪私
爲藏匿迨獲案後復敢認爲已子情殊可惡僅擬
杖徒不足蔽辜著發往伊犁給官兵爲奴餘依議

十月二十一日

戊寅

董誥等奏言查逆犯張三卽

張大嘴

臣

等前經奏明候本月二十日後正法

再查

臣

等節次奏明審擬斬絞監候之白三卽

白大海等犯十五名業已繕具黃冊進

呈謹另開事由清單恭呈

御覽伏候

命下

臣

等遵將各該犯於二十二十二日分起處

決奏入得

旨張三卽張大嘴白三卽白大海屈麥子張八卽張
八十兒小曹二鄭得劉寬白大全俱著於本日處
斬劉成功賀士魁王大名卽王老明李添受李添
相梁莊兒李中連著於二十二日分別斬絞正法
劉六勦入教知情本應處絞惟該犯隨同差役張
沛作眼指拏凌遲逆犯王博并將伊姪凌遲逆犯
劉年兒出首就獲不敢隱匿尙知畏罪著加恩貸

其一死永遠監禁遇赦不赦

十一月初二日丑方受疇奏言據候補知縣張
丹桂會同輝縣知縣蕭炤緝獲逆犯王學道解
省研鞫緣王學道籍隸滑縣先後拜已故之劉
德隴及任連爲師入震卦教與逆匪李文成劉
成章素識該犯復傳徒張俊功王學黥王自金
王化志四人嘉慶十八年九月初五日任連至

王學道家告知李文成被獲羈禁糾合同往刼
獄封該犯爲異宮伯王學道對衆聲言伊素知
兵法刼獄後不可據城若據住縣城將來必被
官兵圍剿後因賊衆不聽其言料必敗壞卽落
後逃走並摘錄武經語句撫拾前代兵事編寫
書本隨身攜帶本年八月間逃至西山被獲臣
於審明後卽恭請

王命將該犯處斬訖奏入

上命軍機大臣傳諭方受疇曰方受疇奏審辦逆犯
王學道一摺所辦輕縱已極王學道一犯習教傳
徒助逆劫獄曾經得受巽宮伯偽封並爲賊畫策
自稱習知兵法不可據城若據住縣城必被官兵
圍剿等語幸賊衆不聽其言據守滑城得以迅就
殲洗設或聽其詭計紛紛挺走豈不滋蔓難圖該

犯脫逃後復敢編造書詞逞其狂悖不法已極必
應凌遲處死以申國法乃該撫於審明後僅恭請
王命處斬並未梟示何不知輕重若此方受疇著
傳旨嚴行申飭該撫接奉此旨著將王學道屍身
仍凌遲梟示家屬緣坐

十一月十三日

庚子

胡克家奏言據阜陽縣縣丞

殷淇盤獲逆匪李成

臣

親提研鞫緣李成籍隸

荷澤拜東明縣人靳蘭爲師習學拳棒嘉慶十
八年八月底靳蘭言及荷澤縣人吳方舟因荒
歉乏食糾衆爬搶邀令入夥在曹縣村莊搶劫
糧食數次經縣差拏正欲逃避九月初九日靳
蘭吳方舟聞有劉姓聚衆至曹縣城內鬧事亦
令夥匪用白布纏腰跟進縣城該犯於縣署殺
斃一人隨衆出城到處掠食嗣遇兵勇圍剿潰

金史卷一百一十五 列傳第四十一
散奔逃斬蘭吳方舟率衆往投滑城經牛亮臣
挑選精壯二千餘人進城餘剩老弱分路竄逸
該犯身受鎗傷負痛落後逃回家內見家屬均
已逃散獨自沿途乞食甫至宿州卽被拏獲應
請擬斬立決臣於審明後恭請

王命將該犯處斬訖委員殷淇盤獲從賊逆犯尙屬
留心可否交部照例議敘出自

聖恩奏入得

旨盤獲逆犯李成之委員殷淇緝捕認真著交部照
例議敘

十一月十五日^寅方受疇奏言據署滑縣知縣

陳筠緝獲逆匪陳金貴陳展二名^臣提犯研鞫

陳金貴陳展二犯平日俱未習教嘉慶十八年

九月內賊匪連三仲等至其村內搶掠脅合同

行陳金貴陳展隨至黃莊搶擄逼脅村民黃老
四王興如同行不允陳金貴點放鳥鎗將黃老
四傷斃并令陳展用鎗札傷王興如左腿未死
該犯等旋即乘間逃往遠處躲避近聞事平潛
回被獲質訊被傷之王興如據供相符陳金貴
陳展均應擬斬陳金貴已於審明後在監病斃
陳展請

旨卽行正法奏入

上命軍機大臣傳諭方受疇曰陳展等隨從逆匪持械傷斃不肯從逆村民旣經供認不諱其被扎受傷之人並經質証明確該犯罪應斬決已毫無疑義該撫卽應一面奏聞一面恭請王命將該犯斬決乃復照尋常案件奏聞請旨實屬拘泥方受疇前於應擬凌遲梟示之犯僅擬斬決此次復如此

姑息著傳旨申飭其陳展一犯著卽處斬

方受疇又奏言查上年滑縣逆匪滋事除該縣
本境村庄練勇防守之紳士人等業經那彥成
分別鼓勵外其最近之濬縣城鄉屢被攻擾勢
甚危險並衛輝府屬之汲縣新鄉淇縣輝縣封
邱彰德府屬之安陽臨漳林縣內黃等縣均距
滑縣不遠又開封府屬之祥符縣並歸德府屬

之商邱縣懷慶府屬之河內縣陳州府屬之太
康縣距滑縣稍遠而逆匪滋事之初官兵未集
各該境守禦多虛迨賊匪竄赴司寨擾及封印
等處更恐其隨處勾結所在城鄉村落均有紳
士人等捐備資糧團勇守禦賊匪所到之處既
不能肆擾裹脅卽賊蹤未到相距較遠地方民
情亦得寧輯該士民等曉明大義實堪嘉尙謹

遵

旨查明各該縣捐貲出力之紳士人等開具清單敬

呈

御覽請

旨分別賞給職銜以示優獎其餘出力稍次之士民

人等由

臣

分別給匾賞資奏入

上諭內閣曰方受疇奏查明上年賊匪滋事各隣境

團練防護出力紳民懇請分別賞給職銜一摺豫
省濬縣汲縣新鄉淇縣輝縣封邱安陽臨漳林縣
內黃祥符商邱河內太康等縣上年滑縣逆匪滋
事之初官兵未集該紳士等倡率捐資練勇守禦
居民得以寧輯前經降旨飭令該撫查明據實保
奏茲據方受疇開具清單奏請獎勵加恩著照所
請知府銜趙曰瑞賞加一級候選正指揮朱佩組

原任荊州府通判劉昇平均賞加五品職銜布政使司經歷趙珂賞加正六品職銜候選府經歷傅培梧賞加七品職銜候選刑部司獄王緯言賞加八品職銜候選訓導王三畏賞加教諭職銜舉人馬席聘李日新董用威均賞給七品職銜拔貢生候選教諭李其蕃王仰曾均賞加七品職銜廩生傅銑李新綬高連甲郭大用均賞給八品職銜生

員王日昌周寬牛兆麟趙連元監生王舒邦張毓
岸張殿玉陳希賢李芹梁濟川段永睿晉三元徐
溥劉青黎均賞給九品職銜生員石麟昭前已賞
加一等頂戴著賞加六品職銜武進士候選守備
馬運泰賞加都司職銜武舉張大崧潘世坦宋夔
周魁元丁承用均賞給守備職銜武生杜占鰲劉
化宇高戴斌管俊趙瑞均賞給把總職銜以示獎勵

方受疇又奏言查滑濬二縣逆匪滋事所有
逆產房地例應入官變解茲查滑縣境內逆產
地三百九十八頃三十七畝零濬縣境內逆產
地一百四頃八十八畝零應請分別召佃徵租
其各逆匪名下應行入官瓦草房屋基地一併
估變尙有續經查出地三十餘頃現在滑濬增
設都司營分移撥弁兵事由創始應請設法調

劑又滑縣

關帝廟遵

旨修建並爲殉難知縣强克捷建立專祠各廟春秋
祭享平日香火齋糧均須籌辦又滑縣歐陽書
院延師訓課生童並廣惠堂留養孤貧舊有經
費上年逆匪踞城均被焚搶並各鄉擬設義學
數處束修膏火口糧無出請將續查逆產地畝

三十餘頃酌量分撥滑濬二縣營汛官兵並各
廟宇書院留養局義學等處召佃徵租以資公
用奏入

上諭內閣曰方受疇奏查辦滑濬二縣逆產地畝除
已查明召佃徵租外續查出地三十餘頃應行入
官懇將此項地畝分撥滑濬增設營分及滑縣新
建廟祠併書院義學留養局等處徵租貼補等語

滑澹地方現在增設都司營分兵丁等應募移撥
不無需費其勅建廟宇專祠及書院義學留養局
等項祭享膏火口糧諸費亦應籌辦加恩著照所
請將此項逆產三十餘頃分晰詳查酌量撥給該
處召佃收租俾資經費

方受疇又奏言滑縣軍務完竣之後滑澹兩縣
設廠煮賑招撫流亡清查逆絕各產搜捕逸匪

遣散鄉勇一切善後事宜實屬紛繁榮澤縣知
縣殷秉鏞投効知縣邵杰候選訓導舉人耿龍
光此三員均係一手查辦始終奮勉懇將榮澤
縣知縣候選直隸州知州殷秉鏞先換頂戴與
投効候補知縣邵杰均請留於豫省遇有相當
之缺補用候選訓導山西舉人耿龍光懇
恩賞給知縣留於豫省遇缺卽補奏入

上諭內閣曰方受疇奏請將派令散放賑銀撫卹難民並清查逆產地畝出力各員懇恩鼓勵等語著照所請榮澤縣知縣候補直隸州知州殷秉堃准其先換頂戴同投効候補知縣邵杰留於豫省遇有相當之缺奏請補用舉人候選訓導耿龍光著賞給知縣留於豫省遇缺卽補以示鼓勵

十一月十八日巳山東巡撫陳預奏言竊照荷

澤縣拏獲趙二遂卽趙飛仁又直隸磁州拏獲

趙三卽趙飛義解東審辦一案臣親提研鞫緣

趙二遂卽趙飛仁趙三卽趙飛義均籍隸曹縣

與父趙得重並兄趙飛隴弟趙飛成趙淳修俱

拜張一爲師習震卦教嘉慶十八年九月初間

張一至趙飛義家聲言軍師林清已在京城造

反糾約趙飛義等起事每人分給白布小旗趙

飛隴與趙飛成在家照應趙二遂隨同蔡興旺等及不識姓名多人於初十日夜間混入曹縣城內至五更時蔡興旺囑令動手衆賊卽進縣署亂殺趙二遂隨同搶刦當舖未經殺人趙飛義與趙淳修跟隨朱成貴等及不識姓名多人在定陶縣城外會齊初十日早朱成貴等入縣署殺人放火趙飛義亦隨同搶刦旋卽偕至馬

家集地方與蔡興旺等會遇十二日至孔連坑
地方與官兵對敵趙二遂被官兵砍傷逃回家
內藏躲趙飛義仍隨同朱成貴等搶劫嗣趙二
遂聞知趙飛隴被官兵殺死趙淳修與張一被
曹縣拏獲正法卽逃往各處討乞趙飛義亦逃
赴磁州覓工先後被獲趙二遂卽趙飛仁趙三
卽趙飛義均應照律凌遲處死趙二遂業已在

監病故飭縣照例戮屍趙飛義於審明後臣卽
恭請

王命將該犯正法訖奏入報

聞

十一月二十五日壬那彥成奏言據開州知州

朱煒等訪獲從逆匪犯賀金標李大榮二犯臣

親提研鞫緣賀金標李大榮均係滑縣白茂村

人嘉慶十八年九月間該村教匪邢四中賀恕等滋事李大榮被賀恕裹去嚇逼隨行令其趕車李大榮並未隨同搶掠抗拒官兵賀金標亦被邢四中裹脅並給與腰刀白布將擄去不識姓名二人逼令賀金標殺死十一月間官兵將白茂村賊匪焚剿賀金標李大榮乘間脫逃在各處求乞先後被獲賀金標應請擬斬立決業

於訊供後在監病故李大榮應請發往新疆給官兵爲奴奏入得

旨刑部議奏旋經刑部照所擬議覆

上從之

十二月十四日

庚午

陳預奏言據署曹縣知縣張

恒等拏獲胡德明卽胡大名一犯

臣

親提研鞫

緣胡德明卽胡大名籍隸河南睢州遷至考城

縣黃河隄上居住嘉慶十八年四月間已正法
逆犯范廷棟赴彼生理與之認識范廷棟曾以
是年該閏八月必然反亂曹縣胡家莊可以避
難之言向胡德明告述九月初七日胡德明因
河水漲發恐難久居且憶及范廷棟之言卽赴
胡家莊找賃房屋初十日早范廷棟率領多人
至彼擄掠撞遇胡德明被范廷棟嚇逼從行到

處刼掠十四日至朱樓地方聞知官兵已到胡
德明畏懼逃回考城旋被拏獲應請擬斬立決
奏入得

旨胡德明卽胡大名著卽處斬

十二月十六日壬董誥等奏請將審明聽從助
逆情罪尤重人犯王三董二均擬凌遲梟示董
二一犯暫行監禁待質情罪次重之宋二卽宋

五王五高六三犯均擬斬立決情罪又次重之
孟大頭一犯擬斬監候秋後處決應行緣坐之
李王氏劉套兒等五名口及知情不首之王紹
祥等二名分別遣徒監禁至劉羅鍋子翟二引
宋二在大有莊李七牛十鋪內居住訊明不知
逆情惟不查明來歷輒行引領容留俱請擬杖
徒得

旨王三著卽凌遲處死梟示宋二卽宋五王五高六
著卽處斬孟大頭應斬著監候秋後處決董二著
暫行監禁待質劉羅鍋子等四犯雖均不知宋二
從逆情事惟係御園附近居民遇有外來之人必
應詳細盤詰乃任意容留僅擬杖徒不足蔽辜劉
羅鍋子翟二李七牛十俱著改爲杖一百流三千
里以示懲儆餘依議

十二月十七日癸酉

上諭內閣曰自上年九月十五日以後節次拏獲逆犯審明已至東華門外見門閉跑回者共有三十四名是日該班官兵等倉卒遇警亟將門扇掩闔使羣賊不能乘機竄入較之西華門漫無捍禦者其功罪實覺懸殊前已施恩將革退官兵分別降補茲再行加恩其原降爲委護軍叅領之雙福遇

有副護軍叅領缺出仍著帶領引見原降爲護軍
之真武保業已挑補護軍校外其雙全一員遇有
護軍校缺出卽行挑補原降爲馬甲十四名內除
崑崙保富清阿傅森布德克金布泳恰布五名業
已挑補護軍外其巴彥圖瑪達春雙祥那林福克
精額全泰官紹鐘安延喜九名遇有護軍缺出卽
行挑補

十二月十九日弘那彥成奏言據涿州知州呂
嗣關訪獲逆犯支進才之子支羣兒年甫十歲
不知支進才謀逆之事應照例監禁俟成丁時
發往新疆爲奴其輾轉容留之楊通等訊非知
情藏匿均照律杖責完結奏入得

旨刑部議奏旋經刑部議覆請將支羣兒永遠監禁
如在監稍滋事端卽行正法餘如所擬完結

上從之

十二月二十二日

戊寅

方受疇奏言前據劉成章

之妻劉崔氏供出劉成章同教之程化廷當卽

飭拏解省又據署滑縣知縣陳筠等拏獲從賊

匪犯徐占魁王文灼卽王八牛二名一併解審

緣程化廷籍隸濬縣曾拜程動爲師入離卦教

程動與劉成章素好嘉慶十八年八月內程動

向程化廷告知九月十五日起事令其前往幫
助迨初七日劫獄後程化廷卽隨程動前赴道
口管糧後被官兵將道口打破該犯又隨程動
進城管事後來乘間逃走被獲解省又徐占魁
一犯係滑縣皂役教匪滋事該犯被脅入教派
管餵馬并領人挑濠十月內隨賊在開州地方
與鄉勇打仗打死三人在逃被獲又王文灼卽

王八牛籍隸滑縣被教匪裹去逼令從逆王文
灼隨至范家寨有村民范四不肯從賊被賊細
住鎗扎未死王文灼用刀殺斃迨後乘間逃逸
被獲臣於審明後卽恭請

王命將程化廷徐占魁凌遲處死王文灼處斬並將
程化廷徐占魁梟首示衆再輝縣匪犯高志林
前經拏獲據供入教助逆旋卽在監病斃臣當

飭將該犯戮屍梟示合併附陳奏入報

聞